



## SEMENTEIRAS



# OBRADOIROS TRANSDISCIPLINARES PARA EDUCACIÓN INFANTIL E PRIMARIA 2021

Como resultado da renovación do convenio de colaboración entre o Colexio Oficial de Arquitectos de Galicia e a Consellería de Medio Ambiente, Territorio e Vivenda, coa incorporación da Axencia de Protección da Legalidade Urbanística como entidade cofinanciadora do ProxectoTERRA queremos facervos chegar a convocatoria de Obradoiros transdisciplinares 2021 para Educación Infantil e Primaria, **a desenvolver nos meses de novembro e decembro de 2021**, co obxectivo de que se poidan incorporar nas programacións dos centros educativos.

A presente convocatoria enmárcase dentro do **programa 16. ProxectoTERRA do Plan Proxecta+ 2021/2022**, unha iniciativa da Consellería de Cultura, Educación e Universidade en colaboración con diferentes organismos, dirixida a fomentar a innovación educativa nos centros a través de programas educativos que fomenten o traballo cooperativo, interdisciplinar e competencial. Un dos principais obxectivos deste plan é promover a realización de proxectos interdisciplinares que fomenten o **papel activo do alumnado ante os desafíos sociais**, económicos e medioambientais da sociedade actual e do futuro e poidan servir de modelo de traballo ou de boa práctica, tanto para o propio centro en que se orixinan como para o resto da comunidade educativa galega.

O ProxectoTERRA é un proxecto do Colexio de Arquitectos de Galicia dirixido ás distintas etapas educativas co fin de contribuír a mellorar a formación que a poboación escolar galega debe ter sobre as xentes, os espazos e os lugares que habitamos. Trata de **crear poboación crítica e propositiva sobre o noso medio construído para acadar unhas mellores condicións de vida** para todas as persoas, atendendo á premisa do **Dereito ao Hábitat**.

O obxectivo do programa é que o alumnado perciba o hábitat humano desde as diferentes perspectivas que abordan os materiais elaborados e postos á disposición da comunidade educativa desde o ProxectoTERRA. O hábitat estúdase afondando en diferentes aspectos, como son a paisaxe, o territorio, o urbanismo, a arquitectura ou o medio ambiente, dependendo do enfoque escollido en cada proxecto desenvolvido nos centros, aínda que sempre é ben considerado que se aborde un proxecto desde diversas perspectivas e se chegue a formular e desenvolver un proxecto interdisciplinar.

### OBXECTIVO DA CONVOCATORIA

Mediante a presente convocatoria, desde o ProxectoTERRA queremos achegar **a todos os centros galegos de Educación Infantil e Primaria** unha serie de obradoiros prácticos dirixidos ao alumnado destas etapas educativas: as Sementeiras. A través das Sementeiras poderanse desenvolver os contidos que o ProxectoTERRA ofrece a toda a comunidade educativa a través de materiais e formación. Estes contidos guíaranse polos expostos na convocatoria do Plan Proxecta+ 2021/2022, no [programa 16. ProxectoTERRA](#).



As Sementeiras serán desenvolvidas por entidades galegas externas ao ProxectoTERRA e **non terán custo adicional para os centros educativos**. Nestes obradoiros abordaranse os contidos do programa arriba citado, adecuándoos ás características e idade do alumnado aos que irán dirixidos.

As **liñas de traballo** que abordarán os diferentes obradoiros serán as seguintes:

- Intervencións no espazo educativo
- Educación en arquitectura e urbanismo
- Patrimonio
- Identidade territorial e paisaxe
- Dereito ao hábitat
- Desenvolvemento sustentable

Por medio destes obradoiros trataranse de desenvolver as seguintes **competencias clave**:

- Competencia en comunicación lingüística
- Competencia en aprender a aprender
- Competencias sociais e cívicas
- Competencia en sentido de iniciativa e espírito emprendedor
- Competencia en conciencia e expresións culturais

## SEMENTEIRAS

As opcións dos diferentes obradoiros que se poden solicitar son as seguintes:

- **Sementeira 1** . TERRITORIOS CREATIVOS: PAISAXE E SOSTENIBILIDADE - Impartida por Taller Abierto
- **Sementeira 2** . CHEGA SÓ COA RECICLAXE? - Impartida por Outonía S. Coop. Galega
- **Sementeira 3** . CRIATURAS UTÓPICAS - Impartida por Yasmina Fernández Pérez
- **Sementeira 4** . OBRADOIROS DE ARQUITECTURA\_LUPO NO COLE - Impartida por Sistema Lupo
- **Sementeira 5** . CONSTRUÍNDO A PAISAXE - Impartida por Sabrina Aldao e Laura Otero
- **Sementeira 6** . TRIANGULANDO - Impartida por CREATECTURA
- **Sementeira 7** . MOSAICOS ROMANOS - Impartida por Xeitura S. Coop. Galega
- **Sementeira 8A e 8B** . OBRADOIROS DE ARQUITECTURA E XEOMETRÍA APLICADA - Impartidas por Palitroques
- **Sementeira 9A** . QUE PATIO QUEREMOS?: PROCESO PARTICIPATIVO CO ALUMNADO - Impartida por Miudiño S.Coop.Galega
- **Sementeira 9B** . ARGALLANDO: CREACIÓN LIBRE CON MATERIAL NATURAL - Impartida por Miudiño S.Coop.Galega
- **Sementeira 9C** . SEMENTANDO FUTURO: EDUCACIÓN AMBIENTAL - Impartida por Miudiño S.Coop.Galega
- **Sementeira 10** . HABITAR: REFUXIO - CASA - PAISAXE - Impartida por EduCoHabitar
- **Sementeira 11A** . PROCESOS. A EVOLUCIÓN DAS FORMAS NO TEMPO (Obradoiro excursión. Detectives na rúa) - Impartida por Colectivo Re.Creo
- **Sementeira 11B** . FORMAS: MORFOLOXÍA DA CIDADE OU VILA E A SÚA PERCEPCIÓN



- (Reelaborando a paisaxe urbana. Obradoiro na aula. Maqueta. Kevin Lynch) - Impartida por Colectivo Re.Creo
- **Sementeira 11C** . PROCESOS. AS ACTIVIDADES: HABITAR, DESPRAZARSE, TRABALLAR, DESFRUTAR O TEMPO DE LECER (Obradoiro na aula. Debuxa o teu barrio. Mural con hexágonos).
  - **Sementeira 11D** . PROCESOS. OS FLUXOS de PERSOAS, MATERIAS, ENERXÍAS e IDEAS (Obradoiro excursión. Infraestruturas. Redes ocultas) - Impartida por Colectivo Re.Creo.
  - **Sementeira 11E** . FORMAS: A PERCEPCIÓN DA CIDADE (Construír cos sentidos. Obradoiro na aula. Mural estampado).- Impartida por Colectivo Re.Creo.

Descarga [aquí o pdf con todas as Sementeiras](#) explicadas polo miúdo. Débese ter en conta que o **tempo de realización de cada obradoiro e o número de alumnado ao que vai dirixido** indicados nas fichas serán **orientativos**, de modo que se intentarán adaptar ás necesidades e características dos centros participantes.

## COMO PARTICIPAR

Cada centro educativo deberá solicitar un mínimo de 3 Sementeiras, cubrindo este **[formulario, no que escollerá entre as opcións indicando a orde de preferencia](#)**. A recepción das solicitudes estará **aberta até o día 12 de novembro de 2021**.

## Criterios de adxudicación dos obradoiros

1. Terán preferencia na adxudicación os centros participantes no Plan Proxecta+ 2021/2022.
2. Non haberá limitación da concesión de actividades por centro, puidendo solicitar varias actividades para grupos diferentes de alumnado, aínda que si se priorizará a adxudicación de polo menos unha actividade a cada centro solicitante.
3. En base aos dous criterios anteriores, os obradoiros adxudicaranse orde de chegada da solicitude e por orde de preferencia de cada centro solicitante.
4. Tentarase que cada obradoiro ofertado se realice, polo menos, unha vez nun centro solicitante.

**Para solicitar varias actividades**, polo caso de querer desenvolver obradoiros con varios grupos, será preciso cubrir un formulario por actividade solicitada e priorizarse a adxudicación ao grupo e actividade do primeiro formulario enviado polo centro.

## Requisitos dos centros educativos participantes

- Compromiso de desenvolver o obradoiro entre novembro e decembro de 2021 (preferiblemente antes do 15 de decembro).
- Cubrir o formulario de **inscrición antes do 12 de novembro**.
- Documentar graficamente o obradoiro. Os centros participantes no programa 16. ProxectoTERRA do Plan Proxecta+ 2021/2022 deberán incluír esta documentación na memoria final do proxecto e o resto de centros deberán enviála a [proxectoterra.actividades@coag.es](mailto:proxectoterra.actividades@coag.es).



## Custo das Sementeirás

**Non haberá cota de inscrición.** Desde ProxectoTERRA **rogamos responsabilidade** por parte dos centros. Estes deberán comprometerse a desenvolver os obradoiros solicitados no caso de ser concedidos, acordando coa entidade ou persoas responsables da actividade as **datas de realización, antes do 19 de novembro**, último día para comunicarllo á coordinación do ProxectoTERRA a través do correo [proxectoterra.actividades@coag.es](mailto:proxectoterra.actividades@coag.es).

**MOI IMPORTANTE:** As actividades do ProxectoTERRA son actividades complementarias, polo que deben ter as aprobacións oportunas por parte do centro. **O alumnado estará sempre baixo a responsabilidade do profesorado do centro**, debendo estar sempre presente ao longo das actividades e colaborar coas monitoras no seu desenvolvemento. As monitoras dinamizan e guían as actividades, debendo estar sempre acompañados por profesorado do centro que será o responsable do grupo. **O incumprimento desta condición suporá a suspensión inmediata da actividade.**

**Medios de contacto\*** para calquera dúbida relacionada coa convocatoria:

- Escribindo a [proxectoterra.actividades@coag.es](mailto:proxectoterra.actividades@coag.es)
- Chamando ao 676 033 121

**\*IMPORTANTE:** Nas fichas das diferentes sementeirás dáse un enderezo electrónico de contacto para **consultas específicas sobre os contidos** de cada obradoiro. Para todas as demais cuestións sobre a presente convocatoria deberase contactar con ProxectoTERRA.

## REDES SOCIAIS

Se sodes usuarios de Facebook e Twitter, queremos animarvos a que nos sigades a través dos seguintes enlaces:

<https://www.facebook.com/proxectoterra/>

<https://twitter.com/Proxectoterra>

Nos pasados cursos tivemos moitos problemas cos envíos dos correos que contiñan a información sobre os cursos e actividades que ofertamos, e temos certeza de que non lle chegaron a unha gran parte do profesorado. A través das redes sociais poñemos ao voso dispor outro xeito de poder consultar e compartir a información sobre as nosas iniciativas e poder contar coas vosas achegas de xeito moito mais directo.

Recibide unha moi afectuosa aperta do equipo do ProxectoTERRA.

## Coordinación das actividades do ProxectoTERRA:

Alberto Fortes Novoa

Sabela Girón Gesteira

Arquitectura Sen Fronteiras

+34 676 033 121

[proxectoterra.actividades@coag.es](mailto:proxectoterra.actividades@coag.es)